



**KOMMUNALBESTYRELSIP
ILEQQUUSUMIK ATAATSIMIINNERA
PINGASUNNGORNEQ ULLOQ 21. MAJ 2025 NAL. 09:00**

Peqataasut:

1. Gabrielsen, Lars Erik (S) borgmester
2. Napātók', Jens (N) 1. viceborgmester
3. Møller, Heidi (D) 2. viceborgmester
4. Fleischer, Sakio (S)
5. Kristiansen, Knud (S)
6. Mathiassen, Paarnannguaq (S)
7. Nielsen, Edvard (S)
8. Olsen, Ujuut (S)
9. Petersen, Jakob (S)
10. Eskildsen, Arnaq N. (N)
11. Møller, Ole (N)
12. Jerimiassen, Aqqalu C. (A)
13. Kleemann, Knud (A)
14. Bro, Niels Erik (D)
15. Davidsen, Lena Ravn (D)
16. Sandgreen, Karl Frederik (D)
17. Thomassen, Mikivsuk (IA)

Pisortaaneq: Nick Nielsen
Imaqarniliortoq: Pisortaaneq
Immikkut peqataasut: Pisortaqatigiit
Nutserisut:
Ingerlannera: Teamsikkut

KOM	QULEQUTAQ	BILAG
	Ilisimatitsissutit	~
032	Avannaata Kommuniani aqutsinermut ileqqoreqqusap aappassaanik oqaluuserineqarnera	001

Aaliangiineq:

Ilisimatitsissutit:

Borgmesteri sulilluni aallarteerpoq sulinermullu atatillungu angalanerit pilersaarutaasut uani ilisimatitsissutingineqassapput.

Aningaasaqarnermut siunnersuisooqatigiit

Maajip naajartornerani nunatsinni aningaasaqarnermut siunnersuisooqatingiit suliaminnut atatillungu saqqummiilerunik Nuummut assersuutingalungu borgmesterinik qaaqquusipput, uanilu qaaqquusissut borgmesterip soqutingalungu akuersaarnikuuvaa peqataaffingissallungulu. Nunatta kommunittalumi aningaasarsiornikkut aaqquissuusaanerata iserfinginissaa annerusumillu ilisimasaqarfingilernissaa tassuunakkut borgmesterip sulinermini uanilu peqataanissamini siunertarivaa.

Naalakkersuisunik pingasunik naapitsinissamut pilersaarutit

Borgmesteri Nuummut angalaleruni pilersaarpoq Naalakkersuisut pingasut naapissallungit.

Ineqarnermut Naalakkersuisoq, Aqqaaluaq B. Egede (IA) naapinnissaanut siunertaavoq ineqarnermi aserfallattaaliinermut aningaasaliissutit sumiiffimmi siornatingut boligafdelingimi inissisimasartut qitiusumut nuunneqarnerisingut sanasuaqqanut suliakkersuutaasartut unitsinneqarsimanerisa kingunerinassuiassallungit, kiisalu aaqqiisimanerup allanngorneqarnissaanut oqariartuuteqarnissaq. Borgmesterip pingaartippaa sanasut sumiiffimminni ataavartumik ukioq kaajallallungu suliaasaqartarnissaat.

Avatagiisinut Naalakkersuisoq, Bentiaaraq Ottosen (A) naapinnissaanut siunertaavoq kommunitisinni ikuallaaveeqqanik misiliinissamut pilersaarutit saqqumiunnissaat, assersuutingalungu Uummannami innuttaasorpasuit atsiortitseqqattaarlutik ersersippaat ikuallaavimmik pilersitsisoqarnissaanut kissaateqarnertik. Kommuni Naalakkersuisunut kissaatingivaa ikuallaaveeqqanik misileraanissamut akuerineqarnissartik.

Ilulissani sumiiffinnilu allani soorlu aamma Uummannami erngup killeqarfiata ineriartornermut aporfiunera ersarissarniarneqarpoq tassanilu aaqqiisoqarnissaa kissaatingineqassalluni. Uani Naalakkersuisut kissaataat tusarumaneqarpoq aaqqiisoqapallannissaalu oqariartuutaassooq.

Aalisarnermut Naalakkersuisoq, Peter Borg (D) naapinnissaanut siunertaavoq qassusersorluni ileqqoreqqusat kommunimi sumiiffinni assingiinnittuni allanngortinnissaanut pilersaarutit saqqummiunneqarnissaat sulinermilu pittaasumik sukkasuumillu suleqatingiinnissap ersarissarneqarnissaa.

Kommunimi angalanissaq

Borgmesterip massakkumiit augustip tungaanut sumiiffinni angalanissani pilersaarusiorpaa inoqarfillu amerlanerit umiatsiamik tikinneqassapput. Angalanissami innuttaasut nunaqarfinnilu aqutsisut naapinneqartarnissaat siunertaavoq pilersaarutillu Facebook atorlungu saqqummertarumaarput.

Aaliangiineq:

--

Sag nr.	Sammisag	Bilag nr.	001
KOM 032	Avannaata Kommunianni aqutsinermut ileqqoreqqusap aappassaanik oqaluuserineqarnera	Journal nr.	

Uteqqiineq:

Qinersereernerup kingorna kommunalbestyrelsi inississorluni ataatsimiinnerminut atatillungu aqutsinermi ileqqoreqqusap akuerivaa. Ileqqoreqqusap marloriarluni kommunalbestyrelsimi inaarutaasumik akuerineqannginnermini suliarineqartussaavoq. Siullermik Ilulissani sammineqarpoq kommunalbestyrelsi inississorluni marlungorneq ulloq 7. maj ataatsimiippoq.

Ileqqoreqqusami ersarissarneqartarput ataatsimiititaliat agguataarnerat tassuunakkullu suliaqarfiit.

Uani qulequttami aqutsinermi ileqqoreqqusassatut siunnersuut aappassaaneerlugu suliarineqarnera oqallisingineqassooq isummerfingineqarlunilu.

Suliap saqqummiunnera:

Kommunalbestyrelsi inississornerminut atatillungu aqutsinermut ileqqoreqqusap nutaaq siullermeerlungu akuerivaa, aappassaaneernera uani suliami ingerlanneqassooq.

Ileqqoreqqusami ataatsimiititaliani ataavartuni akisussaaffiusut suliaqarfiusullu ersarissarneqarput.

Iluarsiiinissamut siunnersuut – sammisanut tunngatillugu nalilersuineq

Kommunalbestyrelsip akisussaaffini ataatsimiititaliat ataavartunut agguartarpari, taakkualu suliaqarfiit assingiinnngittut ulluinnarni ingerlatsinermi akisussaasuusarput suliaqarfiullu iluani sinaakkusersuillutik sulianik ingerlatsisarput. Suliaterlanerpaat ataatsimiititaliani naammassineqarsinnaasarput, kisianni ilaqartarput Aningaasaqarnermut Ataatsimiititaliamut kommunalbestyrelsimullu inaarutaasumik suliarineqarlutik ingerlaqqittussanik.

Ileqqoreqqusap partiit borgmesteriutitaqartut isumaqatingiissutaat naapertorlungu suliarineqartarpoq, tassanilu ataatsimiititaliat agguataarnerat aaliangereqartarpoq, imatullu ataatsimiititaliat ataavartut inassutingineqarpoq aggorneqassasut:

1. Aalisarnermut Piniarnermullu Ataatsimiititaliaq
2. Ilaqutareeqarnermut Ataatsimiititaliaq
3. Inuusutissarsiornermut Ataatsimiititaliaq
4. Piorsarsimassutimut, Atuartitaanermut Meeqqeriveqarnermullu Ataatsimiititaliaq
5. Takornariaqarnermut Ataatsimiititaliaq
6. Tamat Oqartussaaqataaneranut Inoqarfiullu mikinerusut ineriartortinneqarneranut Ataatsimiititaliaq
7. Teknikkimut Ataatsimiititaliaq

Kommunalbestyrelsip nammineq aaliangertarpaa ataatsimiititaliat ataavartut qanoq amerlatingisut tassuunakkullu suliaqarfiit pilersissanerlungit. Aningaasaqarnermut Ataatsimiititaliaq allaalarpog, taanna aqutsinermi inatsimmi aaliangersimasumik ilaassasog aaliangingaavoq, tassanilu borgmesteri siulittaasuvoq.

Ataatsimiititaliani suliaqarfiit assingiinnngittut ilanngussami takusinnaavasi.

Ingerlariaqqinnissag

Qulaani taakkartorneqartutut ileqqoreqqusap marloriarluni kommunalbestyrelsimi inaarutaasumik akuerineqannginnermini suliarineqartussaavoq, uanilu ullut 14-it akunnermiliunneqartussaapput.

Ileqqoreqqusap inaarutaasumik akuerineqareerpat ataatsimiititaliani inississornerit ingerlanneqarsinnaalissapput. Ataatsimiititaliallu inississorneri pereerpata ataatsimiititaliat ataatsimiinnerani siullermi siulittaasussaminnik siulittaasullu tullianik toqqaassoqassooq, ataatsimiinnermi tassani aamma ataatsimiititaliat suloriusissaat akuersissutingineqassooq.

Aningaasaqarnermi kingunerisinnaasat:

Kommunalbestyrelsimi ilaasortat aningaasarsiaat ataatsimiititaliani sulingaluarunik taakkuupput. Illuatunganik ataatsimiititaliami siulittaasoq tapeqalertarpoq, siulianut sanilliullungu allannguut ima ersersinneqarsinnaavoq.

Takornariaqarnermut Ataatsimiititaliap Siulittaasuata tapia qaammammut kr. 6.747,12,- Taannaavoq aningaasartuutaanerulertussaq ukiumut kr. 80.965,44,- taakkua qaavatingut ataatsimiititaliap angalanermut aningaasartuutai ilanngutissapput kr. 100.000,-

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Aningaasaqarnermut Ataatsimiititaliap
Kommunalbestyrelsi

Kommunalbestyrelsip aaliangernera:

Allattoqarfiup kommunalbestyrelsimut inassutingaa

Aqutsinermut ileqqoreqqusassatut siunnersuutingineqartup siullermeerneqarnerani saqqummiunneqartoq akuerineqassasoq

Aaliangiineq:

Inassuteqaat akuerineqarpoq.

Aningaasatingut sinaakkutit ataatsimiititaliamik pilersitsinermi immikkut aningaasaliinermi juunimi kommunalbestyrelsi ataatsimiilerpat aaqqinneqassooq.

Aningaasaqarnermut Ataatsimiititaliami aaliangerneq:

Allattoqarfiup Aningaasaqarnermut Ataatsimiititaliamut inassutingaa

Aqutsinermut ileqqoreqqusassatut siunnersuutingineqartup aappassaaneerneqarnera saqqummiunneqartoq inaarutaasumik akuerineqassasoq

Ataatsimiititaliani ataavartuni ilaasortassatut inassutingineqartut akuerineqassasut

Aaliangerneq:

Suleqatigiittuniik akuerineqarpoq.

Illuatungiliuttut tusaatissatut akuerivaat. Illuatungiliuttullu Ataatsimiititaliat amerlassusaat nalilersoqqinneqassasoq kissaatigalugu, allaffissornikillisaanissaq anguniarlugu.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussat:

Bilag 001-01: Aqutsinermut Ileqqoreqqusassatut siunnersuut
Bilag 001-02: Ataatsimiititaliat ataavartuni ilaasortassatut inassuteqaatit

Aaliangiineq:

--

Ataatsimiinneq naammassivoq nal.:

Atsiorfissaq:

Jerimiassen, Aqqalu C. (A) _____

Kleemann, Knud (A) _____

Jerimiassen, Palle (D) _____

Davidsen, Lena Ravn (D) _____

Møller, Heidi (D) _____

Sandgreen, Karl Frederik (D) _____

Thomassen, Mikivsuk (IA) _____

Eskildsen, Arnaq N. (N) _____

Møller, Ole (N) _____

Napâtôk', Jens (N) _____

Gabrielsen, Lars Erik (S) _____

Kristiansen, Knud (S) _____

Mathiassen, Paarnannguaq (S) _____

Petersen, Jakob (S) _____

Nielsen, Edvard (S) _____

Olsen, Ujuut (S) _____

Fleischer, Sakio (S) _____